

摘藻堂四庫全書薈要

史部

欽定四庫全書薈要

史部

御批歷代通鑑輯覽卷五十



詳校官助教臣謝登雋

欽定四庫全書薈要卷七千五百三

御批歷代通鑑輯覽卷五十

唐起高祖武德元年戊寅至昭宣帝天祐四年丁卯凡二十帝十六世內附武后二十一年共二百九十年

神堯皇帝

帝姓李氏名淵字叔德隴西成紀人西涼武昭王暉

七世孫祖虎仕西魏賜姓大野氏與李弼等八人佐周代魏有功皆為

柱國號八父昼周世封唐公周代魏虎已卒追錄其功封唐公使昼襲帝

生于長安日角龍庭體有三乳隋初襲父爵大業末為太原留



守會隋亂起兵入關代隋稱帝

因始封國建號曰唐

遂平羣雄

而一天下

甲武德七年

綱目于是年以諸僭國已盡唯梁師都北附突厥乃正唐統特用大書今依之

春正月置大中正

依周齊舊制州置中正一人掌知州內人物品量望第以門望高者領之無品秩

二月封高麗王建武

元之子

為連東王

帝以隋末戰士多没于高麗賜建武書令悉遣還乃

索高麗人在中國者歸之建武奉詔遣還前後萬數  
又請頒歷乃遣使冊封之

置州縣鄉學

詔州縣鄉皆置學有明一經以上者咸以名聞

帝詣國子學釋奠于先聖先師

詔王公子弟皆就學

三月初定官制

以太尉司徒司空為三公次尚書門下中書秘書殿

中內侍為六省次御史臺次太常至太府為九寺

太常

光祿衛尉宗正太僕大理

鴻臚司農太府凡九寺

次將作監次國子學次天

策上將府次左右衛至左右領衛為十四衛

親勳翊  
驍武威

及領軍各衛皆

有左右凡十四

東宮置三師

太師太傅太保

三少

少師少傅少保

詹

事及兩坊

門下  
典書

三寺

家令率  
更僕

十率府

左右衛率左右宗衛率左右虞

候率左右監門  
率左右內率

王公置府佐國官公主置邑司並為

京職事官州縣鎮戍為外職事官自開府儀同三司

至將仕郎二十八階

從一品至正四品六階從四品  
至從九品正從皆有上下凡二

十二階共為  
二十八階

為文散官驃騎大將軍至陪戎副尉三

十一階

從一品至從二品三階正三品至從九品正  
從皆有上下凡二十八階共為三十一階

為武散官上柱國至武騎尉十二等

十二轉上柱國  
十一轉柱國十

轉上護軍九轉護軍八轉上輕車都尉七轉輕車都

尉六轉上騎都尉五轉騎都尉四轉驍騎尉三轉飛

騎尉二轉雲騎

為勲官

尉一轉武騎尉

夏四月頒新律令

比開皇舊制增新格五十三條

初定均田租庸調法

前已定租庸調法令  
因均田而又定之

均田恭仿井田  
遺意然每丁各  
給一頃生齒繁  
衍時地將何出  
且歲造計帳子  
卷紛更旋滋擾  
耳宜乎法創不  
久尋即廢格也

欽定四庫全書



卷五十

丁中之民

謂十六以上

給田一頃篤疾減什之六寡妻妾

減七皆以什之二為世業八為口分每丁歲入租粟

二石

新唐志丁歲輸粟二斛稻三斛謂之租

調隨土地所宜綾絹純

式支

氏緣經象

布

新唐志隨鄉所出絹二疋綾純二丈布

緯曰純

加五之一絲三兩麻三斤非蠶鄉則輸

銀十兩歲役二旬不役則收其傭日三尺

新唐志用人之力歲二十

日閏加二日不役者日為閏三尺

有事而加役者旬有五日免其調

三旬租調俱免水旱蟲霜為災什損四以上免租損

六以上免調損七以上課役俱免凡民貲業分九等



百戶為里五里為鄉四家為鄰四鄰為保在城邑者  
為坊田野者為村食祿之家無得與民爭利工商雜  
類無預士伍男女始生為黃四歲為小十六為中二  
十為丁六十為老歲造計帳三年造戶籍

六月慶州

即弘化郡唐仍  
為州注見前

都督楊文幹反遣秦王世民

討平之

初齊王元吉勸太子建成除秦王世民曰當為兄手  
刃之世民從上幸元吉第元吉伏甲欲刺之建成止

之元吉愠曰為兄計耳于我何有建成擅募驍勇二千餘人為東宮衛士發幽州突騎三百置東宮諸坊慶州都督楊文幹嘗宿衛東宮建成與之親厚私使募壯士送長安至是上幸仁智宮

新唐志坊州宜君縣有仁智宮武德

七年

建成居守世民元吉皆從建成使元吉就圖世

民又使郎將以甲遺文幹使之舉兵表裏相應郎將至中途告變上怒召建成建成懼不敢赴詹事主簿

趙弘智

河南新安人

勸其貶損車服屏從者詣上謝罪建

高祖無卓識泥  
古而立建成即  
當有以處世民  
及至大幹通謀  
事發已許廢建  
成而立世民矣

成乃詣仁智宮見上叩頭謝罪奮身自擲上怒不解  
置之募下以兵守之馳召文幹文幹遂發兵反上召  
秦王世民告之曰文幹事連建成恐應之者衆汝宜  
自行還立汝為太子吾不能效隋文帝自誅其子當封  
建成為蜀王蜀兵脆弱他日苟能事汝汝宜全之不  
能事汝汝取之易耳世民既行元吉與妃嬪更迭為  
建成請封德彝復為營解于外上意遂變遣建成還  
守京師惟責以兄弟不睦歸罪于王珪韋挺

沖之  
杜

顧乃外惑佞臣  
內牽嬖妾溺惡  
釀禍誰執其咎  
哉

淹並流舊州

即漢趙舊郡注見前

文幹陷寧州

西魏置隋大業中改北地郡唐

仍為州今屬甘肅慶陽府

世民軍至其黨殺之傳首京師

秋閏七月突厥入寇遣秦王世民將兵禦之

或說上曰突厥所以屢寇關中者以子女玉帛皆在  
長安故也若焚長安而不都則胡寇自息矣上欲從  
之秦王世民諫曰戎狄為患自古有之奈何為此以  
貽四海羞願假數年之期臣請繫頡利之頸致之關  
下若其不效遷都未晚上曰善建成與妃嬪因共譖

世民曰突厥犯邊得賂則退秦王外託禦寇之名內欲總兵權成其篡奪耳上大怒召世民責之會有司奏突厥內寇上乃改容勞勉詔世民元吉將兵出幽

州

西魏置隋廢唐仍為州後改為鄆今州隸陝西

以禦之八月突厥受盟而

還

時頡利突利二可汗舉國入寇世民遇于幽州元吉懼不敢出世民帥騎馳詣虜陳告之曰我秦王

也可汗能闕獨出與我闕若以衆來我直以此百騎相當耳頡利不能測笑而不應世民又前遣騎告突利曰爾往與我盟有急有救今乃引兵相攻何無香火之情也頡利聞之疑突利與世民有謀乃遣使謂世民曰王不須進我但與王申盟約耳乃引兵稍却會大雨世民曰虜所恃者弓矢耳今積雨彌時筋膠

似解吾刀。梨犀利此而不乘，將復何待？乃潛師冒雨而進，突厥大驚。頡利欲戰，突厥不可，乃請和。親世民許之。突利因自託于世民，世民亦以恩意撫之。與盟而去。突利本始畢子，名什鉢畢頡利，立以為可汗。

使居

東

上每有寇盜輒命世民討之，事平之後猜嫌益

甚

命韋仁壽

萬年人

檢校南寧州

注見前

都督

仁壽性寬厚有識度，初為蜀郡司法書佐，所論囚至市，猶西向為仁壽禮。佛然後死。時西南夷內附，朝廷遣使撫之，類皆貪縱，遠民患之。上聞仁壽名，命檢校

南寧州都督仁壽既受命將兵五百人至西洱河

見注

前

周厯數千里蠻夷望風歸附仁壽承制置七州十五縣各以其豪帥為刺史縣令法令清肅蠻夷悅服各遣子弟入貢

乙酉 八年春正月以張鎮周為舒州

唐以同安郡置同安注見前

都督

鎮周舒州人也到州就故宅召親故酣宴十日贈以金帛泣與之別曰今日張鎮周猶得與故人歡飲明日之後則舒州都督治百姓耳自是犯法者一無所

縱境內肅然

詔許突厥吐谷渾互市

突厥吐谷渾各請互市詔皆許之先是中國喪亂民乏耕牛至是資于戎狄雜畜被野

秋七月突厥寇邊詔右衛大將軍張瑾禦之敗績

先是上與突厥書用敵國禮至是上謂侍臣曰突厥貪婪無厭朕將征之自今勿復為書皆用詔敕突厥

遂寇靈相潞沁韓朔

潞州後周置今山西潞安府是  
沁州唐以義寧郡置今州隸山



西韓州後周置今潞安府  
案垣縣是餘注俱見前

等州張瑾與戰太谷

隋縣今屬

太原府

全軍皆沒瑾僅以身免長史溫彥博為虜所執

虜以彥博職在機近問以國家兵糧虛實彥博不對

虜遷之陰山

注見前

靈州都督任城王道宗擊破虜兵

頡利遣使請和而退

後突厥歸款彥博乃得還

九月令太府檢校諸州權量

丙戌九年春二月初令州縣里閭各祀社稷

初令州縣祀社稷士民里閭亦相從立社各申祈報

用洽鄉黨之歡

夏沙汰僧道

太史令傅奕上疏請除佛法

疏曰佛在西域言妖路遠漢譯胡書恣其假託

使不忠不孝削髮而揖君親游手游食易服以逃租賦偽獻三途謬張六道遂使愚迷妄求功德不憚科禁輕犯憲章且生死天壽由于自然刑德厥福關之人生貧富貴賤功業所招而愚僧矯詐皆云由佛竊人主之權擅造化之力其為害政良可悲矣自漢以前初無佛法君明臣忠祚長年久自立胡神羌戎亂華主庸臣佞政虐祚短梁武齊衰足為明鏡今天下僧尼數盈十萬請令正配即成十萬餘戶產育男女十年長養一紀教訓可以足兵三塗六道胡三省注釋氏地獄餓鬼畜生為三途言為惡者必墮此

也又添阿修羅天神地祇為六道

詔百官議之惟太僕卿張道源是

奕言蕭瑀曰佛聖人也而奕非之非聖人者無法當

治其罪奕曰人之大倫莫如君父佛以世嫡而叛其

父

釋典謂佛以王太子出家

以匹夫而抗天子

釋氏之法不拜君親

蕭瑀不

生于空桑

昔有羊氏女採桑于伊川得嬰兒于空桑中是為伊尹說見列子篇

乃遵無

父之教非孝者無親瑀之謂矣瑀不能對但合手曰

地獄之設正為是人上亦惡沙門道士苟避征徭不

守戒律詔命有司沙汰天下僧尼道士女冠其精勤

練行者遷大寺觀庸猥穢者勒還鄉里京師留三

寺二觀諸州各留一所

已而復罷是命

六月太白經天秦王世民殺太子建成齊王元吉立世

民為皇太子決軍國事

世民既與建成元吉有隙以洛陽形勝之地恐一朝

有變欲出保之乃以行臺尚書溫大雅鎮洛陽建成

夜召世民飲酒而酖之世民暴心痛吐血數升上謂

世民曰首建大謀削平海內皆汝之功吾欲立汝為

元武門之事皆  
人聚訟紛紛惟  
我

聖祖御批所以高祖

不能早定大計  
優游致禍太宗

不能委此善全

晉內相殘固由

其謀之未死歷

獨所遺之不幸

為萬世不利定

論書曰一人元

良萬邦以顛高  
祖既不早見及  
此傳曰行一不  
義聖人不為太  
宗亦豈能無深  
疾斯言也哉

嗣而汝固辭且建成為嗣日久吾不忍奪也觀汝兄  
弟似不相容不可同處當遣汝居洛陽自陝以東皆  
主之仍建天子旌旗如漢梁孝王故事世民泣辭不  
許將行建成元吉相與謀曰秦王若至洛陽不可復  
制不如留之長安則一匹夫取之易矣乃密令數人  
上封事言秦王左右聞往洛陽無不喜躍觀其志趣  
恐不復來上乃止元吉密請殺世民秦府僚佐皆惶  
懼不知所出行臺郎中房元齡謂長孫無忌曰今嫌

隙已成一旦禍機竊發豈惟府朝塗地乃實社稷之憂莫如勸王行周公之事以女家國存亡之機正在今日無忌以告世民名杜如晦謀之亦勸世民如元

齡言

建成元吉以秦府多曉將欲誘之使為已用密以金銀器一車贈尉遲敬德敬德辭不受以告

世民世民曰公心如山嶽雖積金至斗知公不移元吉乃譖敬德于上將殺之世民固請得免又譖程知節出為康州刺史知節謂世民曰大王股肱羽翼盡矣身何能久知節以死不去願早決計建成謂元吉曰秦府智略之士可憚者獨房元齡杜如晦耳皆譖之于上而逐之

長孫無忌與其舅

高士廉

名倫以字行齊清河王岳之孫

將軍侯君集

幽州三水人

及尉遲

敬德等日夜勸世民決計世民猶豫

問于李靖及李世勣皆辭世民

由是重

二人

會突厥入塞建成薦元吉將兵擊之元吉請

尉遲敬德等與之俱又悉簡秦府精卒以益其軍率更丞王晔密告世民曰太子語齊王吾與秦王餞汝于昆明池使壯士拉殺之因遣人說上授我以國而立汝為太弟世民以告長孫無忌無忌等請先事圖之世民歎曰骨肉相殘古今大惡吾誠知禍在朝夕欲俟其發然後以義討之不亦可乎敬德曰大王不

用敬德之言敬德將竄身草澤不能留居大王左右

交手受戮也無忌曰不從敬德之言無忌亦當相隨

而去世民訪之府僚衆曰大王以舜為何如人曰聖

人也衆曰使舜浚井而不出塗廩而不下則井中之

泥廩上之灰耳安能澤被天下法施後世乎世民命

卜之幕僚張公謹

字宏慎魏州繁水人

自外來見之取龜投地

曰卜以決疑不疑何卜世民意乃決于是太白再經

天傳奕密奏太白見秦分秦王當有天下上以其狀



授世民于是世民密奏建成元吉淫亂後宮且曰兄弟專欲殺臣似為世充建德報讎臣今永違君親亦實耻見諸賊于地下上驚報曰明當鞠問汝宜早參明日世民率長孫無忌等伏兵于元武門建成與元吉俱入

先是張妓好竊知世民表意馳語建成建成召元吉謀之元吉曰宜勒兵不朝以觀形勢

建成曰兵備已嚴當俱入參自問消息也乃俱入

至臨湖殿覺有變欲還世

民追射建成殺之尉遲敬德射殺元吉于是東宮齊府將帥薛萬徹等帥衆大至攻元武門敬德以二人

首示之乃頗散去上方泛舟海池

在太極宮中

世民使敬

德入侍敬德貫甲持矛直至上所奏曰太子齊王作

亂秦王兵已誅之矣恐驚動陛下遣臣宿衛上謂裴

寂等曰不圖今日乃見此事當如之何蕭瑀陳叔達

曰建成元吉本不豫義謀又無功于天下疾秦王功

高望重共為姦謀今秦王已討而誅之陛下若處以

元良委之國務無復事矣上曰此吾之夙心也時秦

府兵與二宮左右戰猶未已敬德請降手敕令內外

諸軍一受秦王節度衆然後定上召世民撫之世民  
跪吮上乳號慟久之建成元吉諸子皆坐誅遂立世  
民為皇太子軍國庶事悉委太子處決然後奏聞太  
子命縱禁苑鷹犬罷四方貢獻聽百官各陳治道政  
令簡肅中外大悅

司馬光以太宗  
欲俟其先於然  
後應之為猶愈  
是不知太宗此  
言始為漫曉漫  
應之意耳然使

司馬氏光曰立嫡以長禮之正也然高祖所以有天  
下者皆太宗之功隱太子以庸劣居其右地嫌勢逼  
必不相容卿使高祖有文王之明隱太子有泰伯之  
賢太宗有子臧之節則亂何自而生哉既不能然太  
宗始欲俟其先發然後應之如此則事非獲已猶為  
愈也既而為羣下所逼遂至喋血禁門推刃同氣貽

建成嗣位則唐

室不久而亡當

與隋同轍太宗

立而延唐家三

百年之基此評

古者所以亟為

太宗諱也至元

武門之失德雖

其災數之辨又

安能為之諱哉

魏徵之對正如

陳琳之對操所

謂矢在弦上不

得不發雖云各

心其主然豈得

識千古  
惜哉

以魏徵王珪為諫議大夫

初洗馬魏徵常勸建成早除秦王及建成敗太子召  
徵謂曰汝何離間我兄弟徵舉止自若對曰先太子  
早從徵言必無今日之禍太子改容禮之引為詹事  
主簿亦召王珪韋挺于舊州皆以為諫議大夫

帝自稱太上皇

廬江王瑗

字德珪太  
祖之孫

反幽州將軍王君廓殺之

初上以瑗為幽州都督又以其懦怯非將帥才使王  
君廓佐之君廓故羣盜勇悍險詐瑗推心倚仗之太  
子建成謀害秦王密與瑗相結建成死詔遣使馳驛  
召瑗瑗心不自安謀于君廓君廓欲取瑗以為功乃  
曰大王若入必無全理瑗曰我今以命託公舉事決  
矣乃發驛徵兵又召燕州刺史王誡計事欲除君廓  
以誡代之君廓知之往見誡斬之持其首告衆曰李  
瑗與王誡同反汝何故從之取族滅乎遂帥麾下踰

城而入執瑗縊之詔以君廓為幽州都督以瑗家口

賜之

建成元吉之黨亡在民間雖更赦令猶不自安微幸者爭告捕以邀賞諫議大夫王珪以啟太

子太子令事連東宮齊王及李瑒者並不得告違者反坐遣魏徵宣慰山東聽以便宜從事徵至磁州遇州縣錮送前太子千牛李志安齊王護軍李思行諸京師徵曰前宮齊府左右已赦不問今復送思行等則誰不自疑遂皆解縱之太子聞之甚喜

秋八月太子即位

詔傳位于太子太子固辭不許乃即位

放宮女三千餘人

長孫后讀書循  
理恭順節儉固  
足為賢而辭諸  
政一節識見卓  
越視漢明德尤  
遠過之然以太  
宗英明豈不知  
牝雞之意何必  
與后議賞罰哉

立妃長孫氏

晟之女

為皇后

后少好讀書造次必循禮法上為秦王后奉事高祖  
承順妃嬪甚有內助及為后務崇節儉服御取給而  
已上深重之嘗與之議賞罰后辭曰牝雞之晨惟家  
之索妾婦人安敢預聞政事固問之終不對

突厥入寇至便橋

即西渭橋在咸陽縣西南三輔志錄  
長安城西門曰便門門北與橋對因

號便橋

帝出禦之突厥請盟而退

梁師都所部離叛國寢衰弱乃朝于突厥勸令入寇

于是頡利突利二可汗合兵十餘萬騎寇涇州

注見前

頡利進至渭水便橋之北遣其腹心執失思力入見以觀虛實執失思力盛稱二可汗將兵百萬今至上讓之曰吾與汝可汗面結和親贈遺無算今汝可汗背盟入寇全忘大恩自誇彊盛我今先斬汝矣執失思力懼乃囚之上與高士廉房元齡等六騎徑詣渭水上與頡利隔水而語責以負約突厥大驚皆下馬羅拜俄而諸軍繼至旌甲蔽野頡利見執失思力



不返而上輕出軍容甚盛有懼色上麾諸軍使卻而  
布陳獨留與頡利語蕭瑀叩馬固諫上曰突厥所以  
敢傾國而來者以我國內有難朕新即位謂我不能  
抗禦也我若示之以弱虜必放兵大掠不可復制故  
朕輕騎獨出示若輕之震曜軍谷使知必戰虜既深  
入必有懼心與戰則克與和則固制服突厥在此舉  
矣是日頡利來請和詔許之斬白馬與盟于便橋之  
上突厥引兵退

蕭瑀請曰突厥未和之時諸將爭欲  
戰陛下不許而虜自退其策安在上

曰突厥之家多而不整君臣之志惟明是求昨其達官皆來謁我我若醉而縛之因擊其衆伏兵邀其前大軍踵其後覆之如反掌耳然吾即位日漢國家未安一與虜戰結怨既深彼或懼而修備則吾未可以得志也故卷甲韜戈唱以金帛彼既得所欲志必驕情然後養威俟釁一舉可滅也將欲取之必因與之此之謂也

瑞謝不及

### 九月引諸衛將卒習射于顯德殿

古者郊廟有事則舉大射王所自射則有虎侯後世積習燕安不獨昧於詰戎抑且甘於茂禮太宗手定降詔初政即引衛卒

上日引諸衛將卒數百人習射殿庭諭之曰朕不使汝曹穿池築苑專習弓矢居間無事則為汝師突厥入寇則為汝將庶幾中國之民可以少安羣臣多諫

習射可謂深知  
體要厚臣曉曉  
無識甚矣

強當其弱凡臨  
敵制勝者皆知  
之至我弱彼強  
聽其乘而以強  
反擊其弱實於  
前人所未發非  
精於用兵者不  
能應觀古來名  
將每以少勝多

曰于律以兵刃至御在所者絞今使將卒習射殿庭  
萬一狂夫竊發出于不意非所以重社稷也上曰王  
者視四海為一家封域之內皆朕赤子朕一一推心  
置其腹中奈何宿衛之士亦加猜忌乎由是人思自  
勵數年之間悉為精銳

上嘗言吾自少經畧四方頗知用兵之要每觀敵陳則知

其強弱嘗以吾弱當其強強當其弱彼乘吾弱逐奔  
不過數十百步吾乘其弱必出其陳後反而擊之無  
不潰敗所以取  
勝多在此也

## 定勲臣爵邑

率視此為竅要  
太宗英勇天授  
間居復多故能  
舉以示人耳

上面定勲臣爵邑命陳叔達唱名示之且曰所敘未  
當宜各自言于是諸將爭功不已淮安王神通曰臣  
舉兵關西首應義旗今房元齡杜如晦等專弄刀筆  
功居臣上臣竊不服上曰叔父雖首倡舉兵蓋亦自  
營脫禍及竇建德吞噬山東叔父全軍覆沒劉黑闥  
再合餘燼叔父望風奔北元齡等運籌帷幄坐安社  
稷論功行賞固宜居叔父之先諸將乃相謂曰陛下  
至公淮安王尚無所私吾儕何敢不安其分遂皆悅

太宗實有視天下為一家之度故舊人不必遷官而宿衛不須舊卒覓王者無私其規模宏遠深得此要雖以房喬之賢且未能窺測萬一他無論矣

服

房元齡嘗言秦府舊人未達官者皆嘆怨上曰王者至公無私故能服天下之心設官分職以為民也當擇賢才而用之豈以新舊為先後哉其後或請追秦府舊兵入宿衛上曰朕以天下為家惟賢是與豈舊兵之外皆無可信者乎汝之此意非所以廣朕德于天下也

置弘文館

上于弘文殿聚四部書

分為四類曰經史子集以甲乙丙丁為次

二十餘

萬卷置弘文館于殿側選天下文學之士虞世南褚

亮姚思廉歐陽詢

字信本  
號文子

蔡允恭蕭德言

字文行  
系出蘭陵徙

間等以本官兼學士令更日宿直聽朝之隙引入內

殿講論前言往行商確政事或至夜分乃罷

上謂侍臣曰朕

觀煬帝文辭奧博亦知是堯舜而非桀紂然行事何

其相反也魏徵對曰人君雖聖哲猶當虛己以受人

故智者獻其謀勇者竭其力煬帝恃其俊才驕矜自

用故口誦堯舜之言而自為桀紂之行曾不自知以

致覆亡也上曰前事不遠吾屬之師也上問給事中

孔穎達曰論語以能問于不能以多問于寡有若無

實若虛何謂也穎達具釋其義以對且曰非獨匹夫

如是帝王內蘊神明外當元默若位居尊極炫耀聰

明以才陵人飾非拒諫則下情不通取亡之道也

上曰朕每臨朝欲發一言未嘗不三思恐為民害是

以不多言知起居事杜正倫曰臣職在記言陛下之

言失臣必書之豈徒有官于今亦恐貽譏于後上

謂裴寂曰比多上書言事者朕皆黏之屋壁得出入  
省覽數思治道或深夜方寢公輩亦當恪勤職事副

聖誠雖而物來  
畢照初不必豫  
存妍媸之見而  
萬象自無遁形

人君臨下亦猶是也太宗不肯設詐待人比之濁其源而求流清實至當不易之論然未久而密使賂人致有裘矩之諫不宜矛盾若此豈紀載者失實耶

朕此意 有上書請去佞臣者上問佞臣謂誰對曰願陛下與羣臣言或陽怒以試之彼執理不屈者直臣也畏威順旨者佞臣也上曰君源也臣流也濁其源而求其流之清不可得矣君自為詐可以責臣下之直乎朕方以至誠治天下卿策雖善朕不取也上與羣臣論止盜或請重法以治之上曰當去奢省費輕徭薄賦選用廉吏使民衣食有餘則自不為盜安用重法邪自是數年以後海內升平路不拾遺外戶不閉商旅野宿焉 上嘗曰君依于國國依于民刻民以奉君猶割肉以充腹腹飽而身斃君富而國亡矣然人君之患不自外來常由身出蓋欲盛則費廣費廣則賦重賦重則民愁而國危朕常以此思之不敢縱欲也 上謂公卿曰昔禹鑿山治水而民無謗讟者與人同利故也秦始皇營宮室而民怨叛者病人以利己故也夫美麗珍奇固人之所欲若縱之不已則危亡立至朕欲營一殿材用已具鑿秦而止

王公以下宜體朕此意由是二十年間風俗素樸衣  
無錦繡公私富賂上謂侍臣曰吾聞西域賈胡得  
美珠剖身以藏之有諸侍臣曰有之上曰人皆知笑  
彼之愛珠而不愛其身也吏受賕抵法與帝王徇奢  
欲而亡國者何以異于胡之可笑邪朕與公輩宜戮  
力相輔庶免為人笑也上惠吏多受賕密使左右  
試賂之有司門令吏受賕一匹上欲赦之民部尚書  
裴矩諫曰為吏受賂罪誠當死但陛下使人遺之而  
受乃陷人于法也上悅告羣臣曰裴矩能當官力爭  
不為面從僕每事皆然何憂不治杜正倫相州洹  
人水

冬十月丙辰朔日食

詔追封故太子為息隱王齊王為海陵刺王改葬之



後詔復息隱王為隱太子海陵刺王號巢刺王

立子承乾

字明德長  
孫皇后出

為皇太子

承乾生八年矣

十一月降宗室郡王為縣公

初上皇欲彊宗室自三從昆弟以上皆為王至是上  
問羣臣徧封宗子于天下利乎封德彝對曰前世唯  
皇子及兄弟乃為王今封爵太廣恐非所以示天下  
至公上曰然朕為天子所以養百姓也豈有勞百姓

以養己之宗族乎降宗室郡王皆為縣公惟有功者數人不降

十二月遣使點兵

上勵精求治數引魏徵入卧内訪以得失徵知無不言上皆欣然嘉納上遣使點兵封德彝奏中男雖未十八其壯大者亦可并點上從之敕出徵固執以為不可上怒召而讓之對曰夫兵在御之得其道耳何必多取細弱以增虛數乎且陛下每云吾以誠信御

天下今即位未幾失信者數矣上愕然曰何也對曰

陛下初詔悉免負逋官物

謂負欠官物而逃  
逋者免追償也

有司以

為負秦府國司者非官物徵督如故陛下以秦王升  
為天子國司之物非官物而何又曰關中免二年租  
調關外給復一年既而繼有敕云已役已輸者以來  
年為始散還之後方復更徵百姓固已不能無怪今  
復點為兵何謂來年為始乎又陛下所與共治天下  
者在于守宰至于點兵獨疑其詐豈所謂以誠信為

治乎上悅從之

以張元素

蒲州虞鄉人

為侍御史

上聞景州錄事參軍張元素名召見問以政道對曰  
隋主自專庶務不任羣臣以一人之智決天下之務  
借使得失相半乖謬已多下諛上蔽不亡何待陛下  
誠能擇羣臣而分任以事考其成敗何憂不治上善  
其言擢為侍御史

以張蘊古

涇水人

為大理丞

前幽州記室張蘊古上大寶箴

其畧曰聖人受命拯溺亨也故以一人治

天下不以天下奉一人又曰壯九重于內所居不過容膝彼昏不知瑤其臺而瓊其室羅八珍于前所食不過適口惟狂罔念卹其糈而池其酒又曰勿汶汶而闇勿察察而明雖冕旒蔽目而視于未形雖黼黻塞耳而聽于無聲

上嘉之賜以束帛除大理丞

太宗文武皇帝

帝名世民高祖次子

方四歲有書生見之曰龍鳳之姿天日之表其年幾冠必能濟

世安民書生去高祖使人追之不見乃採其語為名

年十八首勸高祖起兵初

封趙公進爵秦王高祖平定天下皆帝之功也建成

元吉既薨高祖立為太子遂傳位焉

丁亥貞觀元年春正月宴羣臣

上宴羣臣奏秦王破陳樂上曰朕昔受委專征民間  
遂有此曲雖非文德之雍容然功業所由不敢忘也  
封德彝曰陛下以神武平海內文德豈足比乎上曰  
戡亂以武守成以文文武之用各隨其時卿謂文不  
及武斯言過矣

制諫官隨宰相入閣

太極殿東西  
兩廡之閣也議事

中書門下及三品以上入閣議事皆命諫官隨之有失輒諫

更定律令

命吏部尚書長孫無忌與法官更議定律令寬絞刑五十條為斷右趾上曰肉刑廢已久宜有以易之于是有司請改為加役流流三千里居作三年從之以戴胄為大理少卿

上以選人多詐冒資蔭敕令自首不首者死未幾有

賜絹以愧貪墨  
其事與漢大一  
轍蓋太宗特欲  
示金順德用是  
嘲嘲耳以爲一  
時權宜則可以

詐冒事覺者上欲殺之曹奏據法應流上怒曰卿欲  
守法而使朕失信乎對曰敕者出于一時之喜怒法  
者國家所以布大信于天下也陛下忿選人之多詐  
故欲殺之既而知其不可復斷之以法此乃忍小忿  
而失大信也上曰卿能執法朕復何憂曹前後犯顏  
執法言如湧泉上皆從之天下由是無冤獄

將軍長  
孫順德

受人覬覦事覺上于殿庭賜絹數十匹大理少卿胡  
演以爲不可上曰彼有人性得絹之辱甚于受刑如  
不知愧一禽獸耳殺之何益

長孫順德無忌族叔



為高德緩刑則  
不可

# 二月分天下為十道

隋末豪傑據地自相雄長唐興相帥來歸上皇割置

州縣以寵祿之上以民少吏多大加併省因山川形

便分為十道曰關內

領雍華同商岐郿隴涇原寧慶  
鄜坊丹延靈會鹽夏綏銀豐勝

等

河南

領洛汝陝魏鄭滑許潁陳豫汴宋毫徐泗  
豪鄆齊曹濮淄青萊棣兗海沂密等州

河

東

領蒲晉絳汾隰并南汾冀沁  
嵐石忻代朔蔚澤潞等州

河北

領懷魏博相衛  
貝邢洺恒冀深

趙滄德易定幽瀛燕

山南

領荆陝歸夔涇朗忠涪萬  
襄唐隨鄆均房郢復金梁

北燕檀營平等州  
洋利鳳興成扶文集壁

隴右

領秦渭河鄆蘭武洮岷  
巴達通開陸果渠等州  
廓疊宕涼瓜沙甘肅等

州

淮南

領揚楚淝和壽廬舒

江南

領潤常蘇湖杭睦越衡婺括台福建

泉宣歙池洪江鄂岳饒信虔吉袁撫

劍南

領益嘉眉邛簡資犛

潭衡永道郴邵黔辰夷思南等州

雅南會翼雄松姚戎梓遂綿

嶺南

領廣韶循潮康瀾端新封潘春羅南

始合龍善渝陵榮瀘等州

石高東合彥振邕南方南簡淳欽南尹象藤桂梧賀

連南昆靜樂南恭融容牢繡南扶越南義交陸峯愛

驩等

州

三月皇后帥內外命婦親蠶

閏月癸丑朔日食

命京官五品以上更宿中書內省

太宗因弓工辨  
論弓材悟及政  
理深得絮矩之  
道夫天下情變  
萬狀豈能一一  
曲盡其致或狂  
於所習而忽不  
加察者蓋不少  
笑向閱養正圖  
曾採其事題諸  
屏展於引伸觸  
頃之義蓋深有  
取焉

上謂太子少師蕭瑀曰朕少得良弓十數自謂無以  
加近以示弓工乃曰皆非良材木心不正則脉理皆  
邪弓雖正而發矢不直朕以弓矢定四方識之猶未  
能盡况天下之務乎乃命京官五品以上更宿中書  
內省數延見問民疾苦政事得失

夏五月苑君璋降

初君璋數引突厥入寇至是見頡利政亂知其不足  
恃遂帥衆來降

六月僕射封德彝死

初上令德彝舉賢久無所舉上詰之對曰非不盡心  
但于今未有奇才耳上曰君子用人如器各取所長  
古之致治者豈借才于異代乎正患已不能知安可  
誣一世之人德彝慙而退及是病死

德彝險佞隱刺  
之亂數進忠策

于上又白太子曰為四海不顧其親乞養者謂何及  
上皇議廢立德彝復諫止當時語秘無知者及德彝  
死後事寢聞侍御史唐臨追劾奸狀詔削德彝官  
爵改其諡明日終  
唐臨字本德京兆長安人

以蕭瑀為左僕射

初瑀與德彝有隙

瑀薦德彝于上皇以為中書令及上即位瑀為僕射每議事已定德

彝至上前輒反之由是有隙

時房元齡杜如晦新用事皆疎瑀而

親德彝瑀不能平遽上封事論之由是忤旨會瑀及

陳叔達忿爭于上前皆坐不敬免官至是復以瑀為

左僕射

上與侍臣論周秦修短瑀對曰紂為不道武王征之周及六國無罪始皇滅之得天下雖

同立心則異上曰公如其一未知其二周得天下增修仁義秦得天下益尚詐力此修短之所以殊也蓋取之或可以逆而守之不可以不順也瑀謝不及

山東旱詔所在賑卹蠲其租賦

秋七月以長孫無忌為右僕射

無忌與上為布衣交加以外戚有佐命功上委以心腹欲相者數矣皇后固請曰妾備位椒房貴寵極矣誠不願兄弟執國政呂霍上官可為切骨之戒上不聽卒用之

九月庚戌朔日食

冬十月嶺南酋長馮盎遣子入朝

初盎與諸酋長迭相攻擊諸州皆奏盎反上欲發兵

討之魏徵諫曰嶺南瘴癘險遠不可以宿大兵且告  
者已數年而盜兵未嘗出境此不反明矣若遣信臣  
示以至誠可不煩兵而服上乃遣使諭之盜遣其子  
智戴隨使者入朝上曰魏徵一言勝十萬之師不可  
不賞乃賜絹五百匹

後盜入朝會諸洞獠反詔徵討  
平之上美其功前後賞賜不可

勝  
數

十二月詔殿中侍御史崔仁師

定州安  
喜人

按獄青州

青州有謀反者逮捕滿獄詔崔仁師等覆按之仁師

至止坐魁首十餘人孫伏伽謂仁師曰足下平反者  
多恐人情貪生見其徒侶得免未肯甘心耳仁師曰  
凡治獄當以仁恕為本豈可自規免罪知其冤而不  
為伸邪萬一誤有所縱以一身易十囚之死亦所願  
也及敕使至更訊諸囚皆曰崔公平恕無枉請速就  
死無一人異辭者

以孫伏伽為諫議大夫

上好騎射孫伏伽諫曰天子居則九門行則警蹕非



欲苟自尊嚴乃為社稷生民計也夫走馬射的乃少

年諸王所為非今日天子事業也既非所以安養聖

躬又非所以儀刑後世臣竊為陛下不取上悅以伏

加為諫議大夫

上神采英毅羣臣進見皆失舉措上知之每假以辭色嘗謂公卿曰人欲

自見其形必資明鏡君欲自知其過必待忠臣苟其君懷諫自賢其臣阿諛順旨君既失國臣豈能獨全如隋煬帝虞世基者亦足以觀矣公輩宜用此為戒事有得失無惜盡言也

命吏部四時選集併省吏員

隋世選人十一月集至春而罷人患其期促至是吏

部侍郎劉林甫

魏州魏城人

奏四時聽選隨闕注擬人以

為便唐初士大夫以亂離之後不樂仕進官員不充  
州府多以赤牒補官至是皆勒赴省選集者七千餘  
人林甫隨材銓敘各得其所時人稱之

時闕中未貴始分人于洛

陽選

上謂房元齡曰官在得人不在員多遂併省之留

文武總六百四十三員

徵隋秘書監劉子翼

字小心中州晉陵人

不至

子翼有學行性剛直朋友有過常面責之李百藥

字重

規德  
林子

常稱劉四雖復罵人人終不恨是歲有詔徵之

辭以母老不至

以李乾祐

長安人

為侍御史

郇

注見前

令裴仁軌私役門夫上怒欲斬之殿中侍御

史李乾祐諫曰法者陛下所與天下共也今仁軌坐輕罪而抵極刑臣恐人無所措手足矣上悅從之以

乾祐為侍御史

上嘗語及關中山東人意有同異殿中侍御史張行成曰天子以四海為

家今有東西之異示人以隘上善其言厚

賜之張行成字德立定州義豐人

鴻臚卿鄭元璠還自突厥

初突厥既疆敕勒諸部分散有薛延陀

先與薛種雜居後滅延陀

部有之號薛延陀

姓一利咥氏

回紇

先曰袁紇亦曰烏紇至隋始稱回紇姓藥葛羅氏

都播

亦曰都波

骨利幹

居瀚海

多濫葛

亦曰多覽葛在薛延陀東

同羅

在薛

延陀

僕固

亦曰僕骨在多濫葛東

拔野古

或為拔曳固東鄰棘靺

思結

在延

陀故

渾

在諸部最南

斛薛

處多濫葛北

奚結

處同羅北

阿跌

亦曰訶延

契

牙

苾在焉耆西北

白霽

居鮮卑故地

等十五部皆居磧北頡利政

亂薛延陀回紇等叛之頡利不能制會大雪羊馬多

死民大饑鴻臚卿鄭元璫使還言于上曰戎狄興衰  
專以羊馬為候今突厥民饑畜瘦將亡之兆也羣臣  
多勸上乘間擊之上曰背盟不信利災不仁乘危不  
武縱其種落盡叛六畜無餘朕終不擊必待有罪然  
後討之

戊子  
二年春正月長孫無忌罷

時有密表稱無忌權寵過盛者上以表示之曰朕于  
卿洞然無疑故以示卿若各懷所聞而不言則君臣

之意有不通無忌自懼滿盈固求遜位皇后又內為之請上乃許之

置六司侍郎

副六司  
尚書

左右司郎中

三月戊寅朔日食

詔自今大辟並令兩省四品及尚書議之

大理進每月囚帳上命自今大辟皆令中書門下四品以上及尚書議之庶無冤濫既而引囚至岐州刺史鄭善果上曰善果官品不卑豈可使與諸囚為伍

自今三品以上犯罪聽于朝堂俟進止

關內旱饑赦天下

上嘗謂侍臣曰古語有之赦者小人之幸君子之不幸一歲再赦善人喑啞夫養稂莠者害嘉穀赦有罪者賊良民故朕即位以來不欲數赦恐小人恃之輕犯憲章故也至是以連年水旱赦天下且曰使年豐穀稔天下乂安移災朕身是所願也會所在有雨民大悅

夏四月突厥突利可汗請入朝

初突厥頡利可汗以薛延陀回紇等叛遣突利討之  
敗還拘而捷之突利由是怨表請入朝上謂侍臣曰  
嚮者突厥方彊憑陵中夏由是驕恣以失其民今困  
窮如是朕聞之且喜且懼何則突厥衰則邊境安故  
喜然朕或失道亦將如此卿曹不惜苦諫以輔不逮  
遣右衛大將軍柴紹等討梁師都其下殺之以降以其

地為夏州

師都自起兵至滅凡十  
二年 夏州注見前



六月祖孝孫

幽州范陽人

奏唐雅樂

初上皇命孝孫定雅樂孝孫以為梁陳之音多吳楚

周齊之音多胡夷于是考古聲作唐雅樂凡八十四

調

每律皆具七音十二律共成八十四調

三十一曲

平調清調房中樂遺音也皆用前代

歌辭

十二和

曰豫和順和永和肅和雍和壽和舒和太和昭和休和正和永和皆樂曲之名

至

作樂家功關樂知德蓋必先有其治而後用樂以宣之固不得謂之治由手樂太宗所論見理已淺至魏徵直曰不在聲音失愈

是奏之上曰禮樂者聖人緣物以設教治之隆替豈

由于此杜淹曰齊之將亡作伴侶曲陳之將亡作王

樹後庭花其聲哀思聞者悲泣豈可謂治不在樂乎

遠矣彼伴侶王  
樹之譜果與蝗  
樂無異倫乎

太宗於民間疾  
苦呼吸相通甚  
政施行殆無虛  
日由其誠心愛  
民故也若飛蝗  
傷稼亦惟盡力  
急為撲捕如註  
云秉畀炎火而

上曰悲喜在心非由樂也將亡之政民必愁苦故聞  
樂而悲矣今二曲俱存為公奏之公豈悲乎魏徵曰  
樂在人和不在聲音也

畿內蝗

上入苑中見蝗掇數枚祝之曰民以穀為命而汝食  
之寧食吾之肺腸欲吞之左右諫曰惡物或成疾上  
曰朕為民受災何疾之避遂吞之是歲蝗不為災

秋九月詔非大瑞不得表聞

已吞以弭災近  
於歸傷太宗豈  
為之哉史臣意  
在鋪揚盛德後  
世且豔稱之皆  
不計事理之有  
無蓋泥於前人  
蝗不入境之說  
而不知核實耳

太宗即位已放  
宮女三千矣今  
又放三千果爾  
其淹留永巷者  
又復何限白居  
易詩思女三千

上曰比見羣臣屢上祥瑞夫家給人足而無瑞不害

為堯舜百姓愁怨而多瑞不免為桀紂後魏之世吏

焚連理木煮白雉而食之豈足為至治乎乃詔自今

大瑞聽表聞餘申所司而已

嘗有白鵲巢于寢殿槐  
上合歡如腰鼓左右稱

賀上曰我常笑隋煬帝好祥瑞

瑞在得賢此何足賀命毀其巢

出宮女三千餘人

天少雨中書舍人李百藥言往年雖出宮人無用者

尚多陰氣鬱積亦足致早上命簡出之前後三千餘

人

放出宮乃詞臣

掄搢謚美之言

唐史不知其失

實而書之此不

足以美太宗而

適足以証太宗

耳何可為訓

冬十月殺瀛州刺史盧祖尚

字季良光  
州樂安人

上以盧祖尚廉平公直欲遣鎮撫交趾祖尚既謝而

復悔之以疾辭上遣杜如晦等諭旨祖尚固辭上大

怒曰我使人不行何以為政命斬于朝堂尋悔之他

日與侍臣論齊文宣帝之為人魏徵對曰文宣狂暴

然人與之爭事理屈則從之有青州長史魏愷使梁

還除光州

注見前

長史不肯行文宣怒而責之愷曰臣

太宗懷鵠事帝  
紀及魏徵傳皆  
無之司馬光輯  
通鑑蓋標抹李  
延壽劉焯張文  
業諸家之說適  
足啓後世之疑  
夫徵固敢言者  
果有其事何不  
犯顏直諫而故  
為此諂術且徵  
奏事故久誰則  
見之詭諛於君  
前後言於退食  
徵亦必不出此  
至太宗雖喜延

先任大州使還有勞無過更得小州所以不行文宣

赦之此其所長也上曰然曷者盧祖尚雖失人臣之

義朕殺之亦為太暴由此言之不如文宣矣命復其

官蔭

徵客貌不逾中人而有膽畧善日人主意每犯  
顏苦諫或逢上怒甚卒亦為之齋戒上嘗得佳

鵠自臂之望見徵來匿懷中徵奏事故久鵠竟死懷  
中嘗謁告上家還言于上曰人言陛下欲幸南山嚴  
裝已畢而竟不行何也上笑曰  
初實有此心畏卿嗔故中輟耳

十一月以王珪為侍中

故事軍國大事則中書舍人各執所見雜署其名謂

接羣臣亦自有  
堂廉之分微豈  
能突如其來即  
自臂佳鵠何難  
頒付侍臣而必  
倉卒納之懷中  
類三家村塾弟  
子憚師伎倆皆  
理之所必無嘗  
作文辨正之盡  
信書不如無書  
讀史者不可不  
具卓識

之五花判事中書侍郎中書令省審之給事中黃門  
侍郎駁正之至是上謂珪曰國家本置中書門下以  
相檢察正以人心所見互有不同苟論難往來務求  
至當捨已從人亦復何傷比來或護已短遂成怨隙  
或避私怨知非不正順一人之顏情為兆民之深患  
此乃亡國之政煬帝之世是也當時羣臣如此必皆  
自謂有智禍不及身及天下大亂家國兩亡其幸免  
者亦為時論所貶終古不磨卿曹各當徇公忘私勿

雷同也後又謂侍臣曰中書門下機要之司詔敕有不便者皆應論執比來惟睹順從不聞違異若但行丈書則誰不可為何必擇才也房元齡等皆頓首謝

上嘗謂珪曰開皇中旱隋文帝不許賑給而令百姓就食山東比至末年天下儲積可供五十年煬帝恃之卒亡天下但使倉廩之積足以備凶年其餘何用哉上又嘗問珪曰近世治不及古何也對曰漢世尚經術宰相多用儒士故風俗淳厚近世重文輕儒參以法律此治化之所以並衰也上然之上間居與珪語有美人侍側指示珪曰此廬江王瑗之姬也瑗殺其夫而納之珪避席曰陛下以廬江納之為是邪非邪上曰殺人而取其妻卿何問是非對曰昔齊桓公知郭公之所以亡由善善而不能用於然棄其所

言之人管仲以為無異于郭公今此義人尚在左右  
臣以為聖心是之也上悅即出之上使祖孝孫教  
宮人樂不稱旨者責之珪與溫彥博諫曰孝孫雅士  
今乃使之教宮人又從而譴之臣竊以為不可上怒  
曰卿等當竭忠直以事我乃為孝孫遊說邪彥博拜  
謝珪不拜曰陛下責臣以忠直今臣所言豈私曲邪  
上默然而罷明日謂房元齡曰自古帝王納諫誠難  
朕昨責二公至今悔之卿等勿為此不盡言也  
江王瑒唐宗室前反  
幽州為王君廓所殺

詔舉堪縣令者

上曰為朕養民者惟在都督刺史朕嘗疏其名于屏  
風坐卧觀之得其在官善惡之跡皆注于名下以備



黜陟縣令尤為親民不可不擇乃命五品以上各舉堪為縣令者以名聞

詔自今奴告主者斬之

上曰比有奴告主反者夫謀反不能獨為何患不發何必使奴告之邪自今奴告主勿受而斬之

遣使立薛延陀夷男為真珠可汗

突厥北邊多叛頡利歸薛延陀共推其俟斤夷男為可汗夷男不敢當上方圖頡利乃遣使間道冊拜夷

男為真珠毘伽可汗賜以鼓纛夷男建牙于大漠之

鬱督軍山下

在漠北今哈爾哈地考是山唐歷以為即都尉提山後入回紇又謂之烏德鞬

山回紇拔野古阿跌同羅僕骨白霄諸部皆屬焉

巳  
三年春正月耕籍東郊

裴寂卒

司空裴寂坐與妖人交通免官上數之曰計公勲庸

安得至此武德之際貨賂公行紀綱紊亂皆公之由

也尋復有罪流靜州

唐置今廣西平樂府昭平縣是

將召還會卒

二月以房元齡杜如晦為僕射魏徵守秘書監參預朝政

上謂元齡如晦曰公為僕射當廣求賢人隨才授任  
比聞聽訟日不暇給安能助朕求賢乎因敕尚書細

務屬左右丞惟大事當奏者乃關僕射

上嘗謂元齡等曰為政莫

若至公昔諸葛亮竄廖立李嚴于南夷亮卒而二人  
哭泣有死者非至公能如是乎又高穎相隋公平識  
治體隋之興亡繫穎存沒朕慕前世之明君卿等不  
可不法前世之賢相也元齡明達吏事輔以文學  
夙夜盡心惟恐一物失所用法寬平聞人有善若已  
有之不求備取人不以已長格物與如晦引拔士

類常如不及上每與元齡謀事必曰非如晦不能決  
及如晦至卒用元齡之策蓋元齡善謀如晦能斷也  
二人同心徇國故唐世稱賢相推房杜焉或告魏  
徵私其親戚上使御史大夫溫彥博按之無狀言于  
帝曰徵不存形迹以避嫌疑亦有可責上因讓徵曰自  
今宜存形迹徵曰君臣同體宜相與盡誠若但存形  
迹則國之興喪未可知也臣不敢奉詔上曰吾已悔  
之徵再拜曰臣幸得奉事願使臣為良臣勿使臣為  
忠臣上曰忠良有異乎對曰稷契皋陶君臣協心俱  
享尊榮所謂良臣龍逢比干面折廷爭身誅國亡所  
謂忠臣上悅上問魏徵曰人主何為而明何為而  
暗對曰兼聽則明偏信則暗昔堯清問下民舜明目  
達聰故共鯀驩苗不能蔽也秦二世偏信趙高以成  
望夷之禍梁武帝偏信朱异以取臺城之辱隋煬帝  
偏信虞世基以致彭城閣之變是故人君兼聽廣納  
則貴臣不得壅蔽而下情得以上通也上曰善上

何固非能知  
周之賢而客之  
陳書具草適逢  
其會耳太宗一  
問而何即具以  
實對其不欺尤

謂魏徵曰齊後主周天元皆重飲百姓厚自奉養力  
竭而亡譬如饒人自歟其肉肉盡而斃何其愚也然  
二主孰為最劣對曰齊後主懦弱政出多門周天元  
驕暴威福在己雖同為亡國齊主尤劣也上謂侍  
臣言曰人言天子至尊無所畏憚朕則不然上畏皇  
天之鑒臨下憚羣臣之瞻仰兢兢業業猶恐不合天意  
未副人望魏徵曰此誠至治  
之要願陛下謹終如始善矣

夏六月以馬周

字賓王博州茌平人

為監察御史

周客遊長安舍于中郎將常何之家會以早求言何  
武人不學周代之陳便宜二十餘條上怪問之何對  
曰此臣家客馬周為臣具草耳上即召見與語甚悅

除監察御史以何為知人賜絹三百匹

秋八月己巳朔日食

冬十一月以荀悅漢紀賜涼州都督李大亮

上遣使至涼州都督李大亮有佳鷹使者諷使獻之  
大亮密表曰陛下久絕畋遊而使者求鷹若陛下之  
意深乖昔旨如其自擅乃是使非其上悅手詔褒  
美賜以荀悅漢紀

以李靖為定襄道行軍總管統諸軍討突厥

初薛延陀真珠可汗遣其弟入貢突厥頡利可汗大

懼始遣使稱臣請尚公主

代州都督張公謹上言突厥可取之狀曰頡利縱欲

逞暴誅忠良匪姦佞一也諸部皆叛二也突利諸設皆得罪無所自容三也塞北霜早雖糧乏絕四也疎其族類親委諸胡大軍一臨必生內變五也華

人入北所在嘯聚大軍出塞自然響應六也

上以

頡利既請和親復援梁師都命李靖為行軍總管討之以張公謹為副復以李世勣柴紹薛萬徹為諸道總管衆合十餘萬皆受靖節度分道出擊突厥

十二月突厥突利可汗入朝

上曰往者太上皇以百姓之故稱臣于突厥朕嘗痛心焉今單于稽顙庶幾可雪前耻矣昔人謂禦戎無上策朕今治安中國而四夷自服豈非上策乎

閏月蠻酋謝元深

東謝蠻也又有南謝蠻皆南蠻別種在黔州之西

等來朝

時遠方諸國來朝貢者甚衆服裝詭異中書侍郎顏

師古請作王會圖

汲冢周書有王會篇

以示後從之

是歲戶部表中國人

自塞外歸及四夷前後附降者男女一百二十餘萬口

庚寅四年春二月李靖襲破突厥于陰山頡利可汗遁走



李靖帥驍騎三千自馬邑延夜襲定襄破之頡利不

意靖倉猝至大驚徙牙于磧石靖復遣謀離其心腹

頡利所親康蘇密以隋蕭后及楊政道來降李世勣

出雲中

此古雲中城也注見前唐于恒安鎮置雲州亦曰雲中郡今大同府是

戰于白

道

在今歸化城北水經注芒干水西南還白道南谷口即此

亦大破之頡利既敗

竄于鐵山

在陰山之北

衆尚十餘萬遣執失思力入見謝

罪求朝上遣鴻臚卿唐儉等慰撫之又詔李靖將兵

迎之頡利外為卑辭內實猶豫謀走磧北靖引兵與

頡利既窺鐵山

勢已不振即中

懷猶豫其敗亡

止在旦夕間何

妨俟詔使既還

而襲擊之初非

有迫不及待之

機也幸而唐儉

輩乘間得脫否

則幾不免為郡

生之烹靖急于

圖功而置諸人

為不足惜豈為

將仁勇兼至之

道哉

世勣會白道謀襲頡利

靖等謀曰頡利雖敗其衆猶盛走度磧北則難圖矣今詔

使至彼虜必自寬若還萬騎襲之不戰可擒矣張公

謹曰詔書許降使者在彼奈何擊之靖曰此韓信所

以破齊也唐

儉輩何足惜

遂勒兵夜發世勣繼之頡利見儉來大

喜靖前鋒去牙帳七里頡利始知之乘千里馬先走

其衆遂潰唐儉脫身得歸靖殺義成公主斬首萬餘

級俘男女十餘萬世勣軍磧口酋長皆帥衆降世勣

虜五萬餘口而還

三月四夷君長詣闕請帝為天可汗許之

四夷君長詣闕請上為天可汗上曰我為大唐天子  
又下行可汗事乎羣臣及四夷皆稱萬歲是後以璽  
書賜西北君長皆稱天可汗

蔡公杜如晦卒

諡曰成

如晦疾篤上遣太子問疾又自臨視之及卒上語及  
必流涕謂房元齡曰公與如晦同佐朕今獨見公不  
見如晦矣

夏四月行軍副總管張寶相擒突厥頡利可汗以獻

頡利敗走往依沙鉢羅設

突厥官名

蘇尼失

啟民之弟

部落任

城王道宗引兵逼之使蘇尼失執頡利行軍副總管張

寶相取之以獻蘇尼失舉衆來降漠南遂空上御樓

受俘館之太僕上皇聞之歎曰漢高祖困白登不能

報今我子能滅突厥吾付託得人復何憂哉

突厥既亡其部

落或北附薛延陀或西奔西域其降唐者尚十萬口詔羣臣議區處之宜溫彥博請準漢建武故事置于塞下順其土俗以實空虛之地使爲中國扞蔽魏徵以爲我狄弱則請服強則叛亂若留之中國數年之後蕃滋倍多必爲腹心之疾西晉之禍前事之明鑒也宜縱之使還故土使上卒用彥博策處突厥降衆

東自幽州西至靈州分突利故地為四州又分頡利故地為六州左置定襄右置雲中二都督府以統其衆以突利為順州都督頡利為右衛大將軍其餘拜官有差因而入居長安者近萬家定襄都督僑治寧朔雲中都督僑治營州南五柳戌

詔訟不決者聽于東宮上啟

詔訟者經尚書省判不服聽于東宮上啟委太子裁決不服然後奏聞

六月修洛陽宮

給事中張元素上書曰陛下初平洛陽凡隋氏宮室

之宏侈者皆令毀之曾未十年復加營繕何前日惡之而今日效之也且以今日財力何如隋世陛下後瘡痍之人襲亡隋之弊恐又甚于煬帝矣上即為之罷役魏徵聞之嘆曰張公論事有回天之力可謂仁人之言矣

已而復命將作大匠竇璉脩之璉鑿池築山雕飾茅廡上怒遽令毀之免璉官

秋七月甲子朔日食

敕百官詔敕未便者皆執奏

上問房元齡蕭瑀曰隋文帝何如主也對曰文帝勤

于為治臨朝或至日昃五品以上引坐論事衛士傳  
餐而食雖性非仁厚亦勵精之主也上曰公得其一  
未知其二文帝不明而喜察不明則照有不通喜察  
則多疑于物事皆自決不任羣臣一日萬幾豈能一  
一中理羣臣既知主意唯取決受成雖有愆違莫能  
諫諍此所以二世而亡也朕則不然擇天下賢才寘  
之百官天下之事關由宰相審熟便安然後奏聞有  
功則賞有罪則刑誰敢不竭心力以修職業乎因敕

百司自今詔敕行下有未便者皆應執奏毋得阿從以李大亮為西北安撫大使

西突厥種落散在伊吾

注見前

詔以李大亮為安撫大

使貯糧磧口以賑之大亮言欲懷遠者必先安近中

國如本根四夷為枝葉疲中國以奉四夷猶拔本根

以益枝葉也今招致西突厥但有勞費未見有益不

如罷之其或自立君長求內屬者羈縻受之使居塞

外為中國藩蔽上從之

未幾伊吾來降以其地置西  
伊州唐伊州故城在今哈



密境

詔定常服差等

三品以上服紫四品五品服緋六品七品服綠八品服青婦人從其夫色

九月以張儉

字師約京兆新豐人

檢校代州都督

思結部落饑貧張儉招集之其不來者仍居磧北親屬私相往還儉亦不禁及儉代去思結將叛詔儉往察之儉單騎說諭從之代州即以儉檢校代州都督

儉因勸使營田歲大稔儉又恐其蓄積多有異志奏請和糴以充邊儲部落喜營田轉力而邊備實焉

冬十一月除鞭背刑

上讀明堂鍼灸書云人五臟之系咸附于背故有是命

高昌王麴文泰入朝

文泰入朝西域諸國皆因文泰請朝上令文泰使人迎之魏徵諫曰昔光武不聽西域送侍子置都護以

為不以蠻夷勞中國前者文泰之來緣道供億甚苦  
若諸國皆來將不勝其弊姑聽其商賈往來與邊民  
交市則可矣倘以賓客遇之非中國之利也時所使  
人已行上遽止之

大有年

先是元年關中饑米斗直絹一匹二年天下蝗三年  
大水上勤而撫之民雖東西就食未嘗嗟怨是歲天  
下大稔流散者咸歸鄉里米斗不過三四錢終歲斷

死刑纔三十九人東至于海南及五嶺皆外戶不閉

行旅不齎糧取給于道路焉

上之初即位也嘗與羣臣語及教化上曰今承

大亂之後恐斯民未易化也

魏徵對曰不然久安之

民驕佚驕佚則難教

經亂之後愁苦愁苦則易化譬

飢者易為食渴者易為飲也上深然之封德彝曰三

代以還人漸澆訛故秦任法律漢雜霸道蓋欲化而

不能豈能之而不欲邪魏徵書生不識時務信其虛論

必敗國家徵曰五帝三王不易民而化也湯武皆承

大亂之後身致太平若謂古人淳樸漸至澆訛則至

于今日當必進化為鬼魅矣人主安得而治之上卒

從徵言至是上謂長孫無忌曰貞觀之初言者皆云

人主當獨用威權不可委之臣下又云宜震耀威武

征討四夷惟魏徵勸朕偃武修文中國既安四夷自

服朕用其言今頡利成擒其酋長並帶刀宿衛皆襲

是時海寓又安  
中外恬謐太宗  
方兢兢業業不  
敢侈以為豐亨  
豫大二喜一懼  
之說猶在十思  
十漸之前堂陛  
文字呼俞相微  
宜貞觀邪治與  
中天媲美哉

衣冠微之力也但恨不使封德彝見之耳微再拜謝  
曰此皆陛下威德臣何力之有焉帝曰朕能任公公  
能稱朕所任則其功豈獨在朕乎上又謂侍臣曰朕  
有二喜一懼此年豐稔斗粟三錢一喜也北虜久服  
邊鄙無虞二喜也治安則驕侈易生驕侈則危亡立  
至此一懼也房元齡奏閭府庫甲兵遠勝隋世上曰  
甲兵武備誠不可闕然煬帝甲兵豈不足邪卒亡天  
下若公等盡力使百姓又安此真乃朕之甲兵也

辛卯 五年春正月詔僧道致拜父母

皇太子冠

有司言皇太子冠用二月吉請造兵備儀仗上曰東  
作方興宜改用十月少傅蕭瑀奏據陰陽書不若二

月上曰吉凶在人若動依陰陽不顧禮義吉可得乎  
循正而行自與吉會農時急務不可失也

詔諸州剋削京觀加土為墳

以金帛賜突厥贖男女八萬口

秋八月殺大理丞張蘊古

河內人李好德有心疾妄為妖言大理丞張蘊古按  
之奏好德實被疾不當坐治書侍御史權萬紀

京兆萬年

人劾奏蘊古相州人而好德兄厚德為其刺史故蘊

古阿意縱之上怒斬之既而悔之因詔自今有死罪

雖令即決仍三覆奏乃行刑

萬紀與侍御史李仁發俱以告許有寵大臣數

被譴起魏徵諫曰此等小人不識大體以許為直以讒為忠陛下非不知其無堪但取其無所避忌欲以警策羣臣耳而彼挾恩依勢逞其姦謀凡所彈射皆非有罪陛下縱不能舉善以厲俗奈何昵姦以自損乎上默然既而萬紀等皆得罪

九月帝獵于後苑

上遂免于後苑將軍執失思力

本突厥酋長

諫曰天命陛

下為華夷父母奈何自輕上又將逐鹿執失思力脫

中解帶跪而固諫上為之止

冬十月詔議封建

封建不能行於三代以後時勢使然宗元論之詳矣百藥建議深有鑑于漢七國淮南之事魏徵斤斤計及經費未免不揣本而齊末矣若顏師古月攘之見與蕭瑀之泥古相去無幾焉足與議大政哉

初上問公卿以享國久長之策蕭瑀對曰三代封建而長久秦孤立而速亡上以為然至是令羣臣議之

魏徵以為京畿稅少多資畿外若盡以封建經費頗闕又燕秦趙代俱帶外夷若有警急追兵內地難以奔赴李百藥以為勲戚子孫皆有民社易世之後將驕淫自逸攻戰相殘害民尤深不若守令之迭為居也顏師古以為不若分王宗子勿令過大間以州縣雜錯而居互相維持足扶京室為置官俸皆省司選用法令之外不得擅作威刑朝貢禮儀其為條式一定此制萬代無虞于是詔宗室勲賢宜令作鎮藩部貽



厥子孫可司明為  
條例定等級以間

十一月林邑新羅

并韓苗裔居漢樂浪地  
今為朝鮮國慶尚道

入貢

先是林邑獻火珠

石珠也日中以  
艾藉珠輒火出

有司以其表辭不

順請討之上不許至是林邑復獻五色鸚鵡新羅獻

美女

魏徵以為不宜受上曰林邑鸚鵡猶能自  
言其苦寒思歸其國況女遠別親戚乎

各付

使者歸之

十二月開党項

注見前

之地為十六州

党項內屬者前後三十萬口

制自今決死刑者皆覆奏決日徹樂減膳

上謂侍臣曰朕以死刑最重故令三覆蓋欲思之詳

熟也而有司須臾之間三覆已訖又斷獄者惟據律

文雖情在可矜而不敢違法其間豈能盡無冤乎古

者刑人君為之徹樂減膳朕庭無常設之樂然常為

之不啖酒肉但未有著令耳于是制決死囚者二日

中五覆奏下諸州者三覆奏行刑之日尚食勿進酒

肉內教坊

武德中置  
以諫敬樂

及太常不舉樂皆令門下覆視

大夫有諍臣士

有諍友太宗勸

臣下受諫亦原

本孝經意蓋一

人之才識豈必

盡當苟能集思

廣益自不致輕

涉愆尤況獄獄

氏命所存而治

盜姦良攸判尤

不可不虛公訪

納邪偏逞其私

智不恤人言甚

且怙過飾非顛

倒黑白其冤濫

復何所底司憲

有據法當死而情可矜者錄狀以聞由是全活甚衆

上嘗與侍臣論獄魏徵曰煬帝時嘗有盜發捕得拷

訊服罪者二千餘人悉令斬之大理丞張元濟尋其

狀惟五人當為盜餘皆平民竟不敢執奏盡殺之上

曰此豈惟煬帝無道其臣亦不盡忠君臣如此何得

不亡公等宜戒之上又嘗謂執政曰朕常恐因喜怒

妄行賞罰故欲公等極諫公等亦宜受人諫不可以

已之所欲惡人遠之苟

自不能受諫安能諫人

康國

西域國其王姓溫本月夫氏居祁連北為突厥所破稍南依蔥嶺即有其地支庶分為九國康其一

也  
求內附

康國求內附上曰前代帝王好招來絕域以求遠服

之名無益于用而糜弊百姓今康國內附儻有急難于義不得不救師行萬里豈不疲勞勞百姓以取虛

名朕不為也遂不受

上謂侍臣曰治國如治病病雖愈猶宜將護儻遽自放縱病復

作則不可救矣今中國幸安四夷俱服誠自古所稀然朕日慎一日惟懼不終故欲數聞卿輩諫爭也魏徵曰內外治安臣不以為喜惟喜陛下居安思危耳

壬辰六年春正月乙卯朔日食

羣臣請封禪不許

初羣臣數請封禪上曰卿輩皆以封禪為帝王盛事

魏徵諫止封禪  
僅以爲時尚未  
可而不能斥言  
云亭梁父之失

朕意不然若天下久安家給人足雖不封禪庸何傷  
乎昔秦始皇封禪而漢文帝不封禪後世豈以文帝  
不若始皇邪且事天掃地而祭何必登泰山之巔封  
數尺之土然後可以展其誠敬乎已而羣臣固請不  
已上亦欲從之魏徵獨以爲不可上曰公不欲朕封  
禪者以功未高邪德未厚邪中國未安四夷未服邪  
年穀未豐符瑞未至邪對曰今雖有此六者然戶口  
未復倉廩尚虛車駕東巡供頓勞費又伊洛以東灌

故范祖禹輯唐鑑得從而譏之若梁許懋謂聖主不煩封禪一語最高切中事理足以廣君德而杜羣言惜微未能引及也

莽極目而遠夷君長皆當扈從此乃引戎狄入腹中而示之以虛弱也况賞賚不貲未厭遠人之望給復連年不償百姓之勞崇虛名而受實害陛下將焉用之會河南北數州大水事遂寢

明年羣臣復以為請上喻以舊有氣疾恐

登高增

劇乃止

范氏祖禹曰封禪自秦始皇始古無有也太宗方明而佞者猶倡其議獨魏徵以為時未可而亦不以為非也後議其禮微亦與焉高宗明皇遂踵而行之終唐之世惟柳宗元以封禪為非世俗之惑可勝歎焉

三月如九成宮

即隋仁壽宮帝修之因更名

上幸九成宮避暑監察御史馬周上疏曰大安宮

太上

皇所居

在城西制度卑小而車駕獨為避暑之行是太

上皇留暑中而陛下居涼處也溫清之禮臣竊有所  
未安且太上皇春秋已高陛下宜朝夕視膳今九成  
宮去京師三百餘里太上皇或時思念陛下陛下何  
以赴之然今行計已成不可復止願速示返期以解  
衆惑上深納之

以長樂公主

帝第五女長孫皇后所生

嫁長孫冲

漢明封諸皇子  
皆令半楚淮陽  
向曾著論若太  
宗資送公主乃  
欲倍長公主輒  
漢明之矯枉過  
正實為不及遠  
矣

長樂公主將出降敕有司資送倍于永嘉長公主

高祖

女唐制姑為大長公主姊

妹為長公主女為公主

魏徵諫曰昔漢明帝欲封

皇子曰我子豈得與先帝子比皆令半楚淮陽今奈

何資送公主反倍于長主乎上入告皇后后歎曰妾

數聞陛下稱重魏徵不知其故今觀其引禮義以抑

人主之私情乃知真社稷之臣也因請遣中使厚賜

徵且語之曰聞公正直乃今見之願公常秉此心勿

轉移也

上嘗罷朝怒曰會須殺此田舍翁后問謂誰  
上曰魏徵每廷辱我后退具朝服曰妾聞主



明臣直今魏徵直由陛下之  
明故也妾敢不賀上乃悅

秋閏七月宴近臣于丹霄殿

上宴近臣于丹霄殿長孫無忌曰王珪魏徵昔日仇  
讎不謂今日得同此宴上曰徵珪盡心所事故我用  
之然徵每諫我不從我與之言輒不應何也魏徵對  
曰臣以事為不可故諫若陛下不從而臣應之則事  
遂施行故不敢應上曰應而復諫何傷對曰昔舜戒  
羣臣爾無面從退有後言臣心知其非而口應陛下

乃面從也豈稷契事舜之意邪上大笑曰人言魏徵  
舉止踈慢我視之更覺嫵媚正為此耳徵起拜謝曰  
陛下開臣使言故臣得盡其愚若陛下拒而不受臣何  
敢數犯顏色乎

上謂王珪曰元齡以下卿宜悉加品藻且自謂與數子何如曰孜孜奉國

知無不為臣不如房元齡才兼文武出將入相臣不如李靖數奏詳明出納唯允臣不如彥博處繁治劇衆務畢舉臣不如戴胄壯君不及堯舜以諫諍為已任臣不如魏徵至于激濁揚清嫉惡好善臣于數子亦有微長上深以為然衆亦服其確論上指殿屋謂侍臣曰治天下如建此屋營構既成勿數改移苟易一椽正一瓦踐履動搖必有所損若慕竒功變法度不恒其德勞擾實多上曰人主惟一心而攻

之者甚衆或以勇力或以辯口或以諂諛或以奸詐  
或以嗜慾輻輳攻之各求自售以取寵祿人主稍懈  
而受其一則危亡隨之此其所以難也 上嘗臨朝  
謂侍臣曰朕為人主常兼將相之事給事中張行成  
退而上書以為禹不矜伐而天下莫與之爭陛下撥  
亂反正羣臣誠不足望清光然不必臨朝言之以萬  
乘之尊乃與羣臣校功爭能  
臣竊為陛下不敢上甚善之

## 九月如慶善宮

元和志在武功  
縣南臨渭水

慶善宮上生時故宅也因宴賦詩被之管絃命曰功  
成慶善樂使童子八佾為九功之舞大宴會與破陳

## 舞偕奏于庭

同州刺史尉遲敬德與坐者爭長毆任  
城王道宗目眦眦上不憚而眾謂敬德

曰朕欲與卿等共保富貴然卿居官數犯法乃知韓彭蒯醢非高祖之罪也敬德由是始懼而自戢

癸巳  
七年春正月宴元武門奏七德九功舞

更名破陳樂曰七德舞太常卿蕭瑀以為形容未盡請并寫武周仁果建德世充擒獲之狀上曰彼皆一

時英雄朝臣或嘗北面事之觀其故主屈辱之狀能

不傷乎瑀謝不及

魏徵欲上偃武修文每侍宴見七德舞輒掩首不視見九功舞則諱

觀之

王珪罷以魏徵為侍中

上與侍臣論安危之本溫彥博曰願陛下常如貞觀  
初則善矣上曰朕比來怠于為政乎魏徵曰貞觀之  
初陛下節儉求諫不倦比來營繕微多諫者頗有忤  
旨此其所以異耳帝欣然納之

上問魏徵曰羣臣上書可采及召對多失

次何也對曰臣觀百司奏事常數日思之及至上前三分不能道一況諫者拂意觸忌非陛下借之辭色豈敢盡其情哉上由是接羣臣辭色愈溫嘗曰煬帝多猜忌對羣臣多不語朕則不然君臣相親如一體耳上謂侍臣曰朕比來決事或不能皆如律令公輩以為事小不復執奏夫事無不由小以致大此乃危亡之端也昔龍逢忠諫而死朕每痛之煬帝驕暴而亡公輩所親見也公輩常宜為朕思煬帝之亡朕

常為公輩念龍逢之死何患君臣不相保乎上謂  
魏徵曰為官擇人不可造次用一君子則君子皆至  
用一小人則小人競進對曰然天下未定則專取其  
才不考其行喪亂既平則非才行兼備不可用也

# 造渾天儀

直太史李淳風

岐州雍人

以靈臺候儀

後魏斛蘭所作

制度疎畧

但有赤道更請造渾天黃道儀至是奏之

淳風上言自漢洛下

閔作渾儀其後賈逵張衡皆有之而推驗七曜並循赤道蓋渾儀無黃道久矣上因詔為之儀表裏三重一日六合儀二日三辰儀三日四游儀皆用銅為之

秋九月山東四十餘州水遣使賑之

赦死囚三百九十人

先是上親錄繫囚見應死者憫之縱使歸家期以來秋來就死仍敕天下死囚皆縱遣使至期來詣京師至是皆如期自詣朝堂上皆赦之

冬十一月以長孫無忌為司空

無忌固辭曰臣忝預外戚恐天下謂陛下為私上曰吾為官擇人惟才是與苟不才雖親不用如有才雖讐不棄今日之舉非私親也

十二月帝奉太上皇置酒未央宮

上從上皇宴故漢未央宮上皇命頡利可汗起舞馮

智戴

盜之子

詠詩既而笑曰胡越一家古未有也帝捧

觴上壽曰此皆陛下教誨非臣智力所及昔漢高祖亦從太上皇宴此宮妄自矜大臣不取也上皇大悅賜太子庶子于志寧孔穎達等金帛

帝謂志寧曰朕年十八猶在民間民之疾苦情偽無不知之及區處世務猶有差失況太子生長深宮百



姓艱難耳目所未涉能無驕逸乎卿等不可不極諫  
太子好嬉戲頗虧禮法志寧與穎達數直諫上聞而  
嘉之各賜金一斤帛五百匹

削工部尚書段綸階

綸奏徵巧匠上令試之綸使造傀儡

木偶戲也列子  
周穆王時偃師

為木人能  
歌舞即此

上曰求巧工以供國事今先造戲具豈百

工相戒毋作淫巧之意邪乃削綸階

甲午八年春正月以李靖等為黜陟大使分行天下

上欲分遣大臣循行黜陟未得其人李靖薦魏徵上  
曰徵歲規朕失不可一日離左右乃命靖等十三人  
分行天下察長吏賢不肖問民間疾苦禮高年賑窮  
乏褒善良起淹滯俾使者所至如朕親覩

夏五月辛未朔日食

秋七月山東河南大水

冬十月以李靖為特進

先是靖拜右僕射

靖性沉厚每與時宰議政恂恂如不能言

既而以疾辭

位上曰朕嘉公意欲以公為一代楷模故不相違乃

拜特進侯疾小瘳間三二日一至中書門下平章政

事

歐陽修曰平章事之名始于此

吐蕃

本西羌屬姓初罕野居析支水西在吐谷渾西南今西藏地是

遣使入貢

劉友益曰此吐

蕃通中國之始

吐蕃自隋以來未嘗通中國其王稱贊普俗不言姓

王族皆曰論官族皆曰尚近世浸彊勝兵數十萬贊

普棄宗弄讚有勇畧四鄰畏之遣使入貢仍請昏詔

遣使者往慰諭之

吐谷渾寇涼州以李靖為大總管帥諸軍討之

吐谷渾可汗伏允老耄其臣天柱王用事數入塞侵盜詔大舉討之上欲以李靖為將為其老重勞之靖聞之請行上大悅以靖為西海道行軍大總管節度諸軍討之

聘鄭氏為充華

唐婦官九嬪之一

既而罷之

帝聘鄭仁基女為充華冊使將發魏徵聞其嘗許嫁

冊使之命已停而從意者猶為曰說故太宗改過不吝魯論所

云日月之食是也魏徵善體物情大易所云納約自牖是也

士人陸爽遽上表諫帝大驚自責命停冊使房元齡等奏許嫁無顯狀爽亦表言初無此議帝謂徵曰羣臣或容希合爽亦自陳何也對曰彼以陛下為外雖捨之或陰加罪譴故爾帝笑曰朕之言不能使人必信如此邪

以皇甫德參為監察御史

中年丞皇甫德參上言修洛陽宮勞人收地租厚斂俗好高髻蓋宮中所化上怒謂房元齡等曰德參欲

國家不役一人不收斗租宮人皆無髮乃可其意邪  
欲罪之魏徵曰言不激切不能動人主之心陛下擇  
焉可也上曰朕罪此人則誰復敢言者乃賜絹二十  
匹他日徵奏言陛下近日不好直言雖勉強含容非  
曩時之豁如上乃更加優賜拜監察御史

中書舍人  
高季輔上

言外官卑品猶未得祿饑寒切身難保清白宜量加  
優給然後可責以不貪此見帝子拜諸叔叔皆答拜  
秦亂昭穆宜訓之以禮止善之  
高季輔名馮以字行德州蓆人

乙未  
九年夏五月太上皇崩

先是上皇徙居大安宮

在三

及是崩于垂拱殿

李靖伐吐谷渾破之

任城王道宗擊破吐谷渾其可汗伏允悉燒野草輕  
兵走入磧諸將以為馬無草未可深入侯君集曰虜  
一敗之後鼠逃鳥散取之易于拾芥此而不乘後必  
悔之李靖從之中分其軍為兩道靖為薛萬均李大  
亮由北道君集與道宗由南道靖等敗吐谷渾于牛  
心堆

在今西寧邊外湟河西水經注牛心川  
水東北流還牛心堆入東北入湟水

又敗諸

赤水源

在今青海南境  
于此置赤水縣

君集道宗引兵行無人之境

二千餘里盛夏降霜人斃冰馬噉雪追及伏允于烏

海

在青海漢  
哭山西

與戰大破之靖督諸軍經積石河源

唐書

吐谷渾傳君集道宗次星宿川望積石山覽觀河源

星宿川即元史所云星宿海積石山即唐人所謂云

大積石注

俱詳見前

窮其西境襲破伏允牙帳斬首數千級獲

雜畜二十餘萬伏允子順斬天柱王來降伏允脫身

走衆散稍盡為左右所殺國人立順為可汗詔以為

西平郡王順未能服其衆

順久質中華  
國人不附

命李大亮將



精兵數千為其聲援既而順竟為國人所殺上復使

侯君集將兵立其子諾曷鉢為可汗

總管高麗生後  
軍期李靖按之

獸生誣靖謀反按驗無狀獸生坐減死徙邊或言獸  
生秦府功臣宜寬其罪上曰國家功臣多矣若獸生  
獲免則人人犯法安可復禁乎靖自  
是閨門杜絕賓客雖親戚不之見

秋七月詔禮官議廟制

諫議大夫朱子奢請立三昭三穆而虛太祖之位于

是增修太廟附弘農府君

名重耳涼武  
昭王之孫

及高祖并舊

神主四為六室房元齡等議以涼武昭王為始祖于

志寧以為武昭王非王業所因不可為始祖上從之

冬十月葬獻陵

在今西安府三原縣東南

初詔山陵依漢長陵

漢高祖陵

故事秘書監虞世南上疏

以為陛下聖德度越唐虞葬親乃以秦漢為法臣竊

為陛下不取願依白虎通為三仞之墳節損制度刻

石陵旁藏書宗廟用為子孫之法疏奏不報世南復

奏上乃詔有司議之房元齡等以為漢長陵九丈原

陵

光武

高六丈今九丈則太崇三仞則太卑請依原

陵之制從之

又詔太原立高祖廟秘書監顏師古以  
為寢廟應在京師漢世郡國立廟非禮

止乃

史臣曰高祖之興因時特起其有天下年幾三百可  
謂盛哉豈非人厭隋亂而蒙德澤繼以太宗之治紀  
綱法度後世有以憑藉  
扶持而能永其天命歟

十一月以蕭瑀為特進參預政事

上曰武德季年高祖有廢立之心而未定我不為兄  
弟所容實有功高不賞之懼斯人也不可以利誘不  
可以死脅真社稷臣也因賜瑀詩曰疾風知勁草板

蕩識忠臣

丙申

十年春二月以荆王元景

高祖之子

等為諸州都督

諸王之藩上與之別曰兄弟之情豈不欲常共處邪  
但以天下之重不得不爾諸子尚可復有兄弟不可  
復得因流涕嗚咽不能止

魏王泰為相州都督不之官上以泰好文學特命于

其府別置文學館聽自引名學士泰有寵于上或言  
諸大臣多輕之上怒召諸大臣謀之曰隋文帝時大  
臣皆為諸王所頓踐我若縱之豈不能折辱公輩邪  
房元齡等皆謝魏徵正色曰若網紀大壞固所不論  
聖明在上魏王必無頓辱羣臣之理隋文帝驕其諸  
子卒皆夷滅又足法乎上悅曰朕以私愛忘公義及

聞公言方知理屈人  
主發言何得容易乎

夏六月皇后長孫氏崩

后性仁孝儉素好讀書常與上從容商畧古事因而

獻替裨益弘多

撫視庶孽逾于所生北壤以下無  
不愛戴訓諸子常以謙儉為先

及

疾篤與上訣時房元齡以譴歸第后曰元齡事陛下  
久小心慎密苟無大故不可棄也妾之本宗因緣蔭  
莩以致祿位既非德舉易致顛危欲保全之慎勿處  
之權要更願陛下親君子遠小人納忠諫屏讒慝省

作役止遊畋則妾死不恨矣后嘗采自古婦人得失  
事為女則三十卷及崩宮司奏之上覽之悲慟以示  
近臣曰皇后此書足以垂範百世朕非不知天命而  
為無益之悲但入宮不復聞規諫之言失一良佐故  
不能忘懷耳乃召元齡使復其位

秋禁上書告訐者

上謂羣臣曰朕開直言之路以利國也而比來上封  
事者多訐人細事自今復有為是者朕當以讒人罪

之

冬十一月葬文德皇后

苑中作觀登而望之必非一日之事徵早宜進諫即秘不使徵知其引登使觀之時亦當正諫乃謬為不見而有獻陵昭陵之譏使太宗何以為人豈純臣而宜出此哉

帝念后不已于苑中作層觀以望昭陵嘗引魏徵同登使視之徵熟視之曰臣昏眊不能見上指示之徵曰臣以為陛下望獻陵若昭陵則臣固見之矣上泣為毀觀

十二月朱俱波甘棠

皆西域國名

遣使入貢

朱俱波

亦曰朱俱槃即漢子合國

在蔥嶺之北去瓜州三千八百

里甘棠在大海南

在西海之南  
崑崙人也

上曰中國既安四夷

自服然朕不能無懼昔秦始皇威振胡越二世而亡  
惟諸公匡其不逮耳

黜治書侍御史權萬紀

萬紀上言宣饒

唐宣州今江南寧國府是饒州注見前

銀大發采之歲

可得數百萬緡上曰朕貴為天子所乏者非財也但  
恨無嘉言可以利民耳與其得數百萬緡何如得一  
賢才卿未嘗進一賢才而專言銀利昔堯舜抵璧于



山投珠于谷漢之桓靈乃聚錢為私藏卿欲以桓靈  
俟我邪是日黜萬紀使還家

更命統軍別將為折衝果毅都尉

統軍為折衝都尉  
別將為果毅都尉

凡十道置府六百三十四而關內二百六十一皆隸

諸衛及東宮六率

注見前


凡上府兵千二百人中府千

人下府八百人三百人為團團有校尉五十人為  
隊隊有正十人為火火有長每人兵甲糧裝各有數  
輪之庫征行給之二十為兵六十而免能騎射者為

越騎其餘為步兵每歲季冬折衝都尉帥以教戰當  
給馬者官與直當宿衛者番猶班也上兵部以遠近給  
番遠疎近數皆一月而更



御批歷代通鑑輯覽卷五十



總校官候補中允臣王燕緒

校對官編修臣吳舒帷

謄錄監生臣李邦燮